

in der Königlischen Statt Amangus in Ja-
 pon/ als sich der H. Vatter vil tåg mit pre-
 digen vmbsonst bemühet / hat endlich den
 Belehrungen sein vnd seines Gesellen Ge-
 dult einen anfang gemacht. Es war wie
 zuvor angedeutet / der ganze Pöfel in dise
 Statt vber Franciscum auftrübrisch/ darzu
 die Bongen auff alle weg geholffen. Dessen
 ungeacht fahret Franciscus fort / prediget
 auff allen Strassen vnd Gassen / vnd so er
 ermühdet / stellet er an sein statt Joannem
 Fernandez / bey dem er verbliben / ihn ge-
 stärcke/ vnd angemahnt/ kein außlachen vnd
 Verachtung / sie geschehen mit Wort oder
 That / zuachten. Einmal da in beysein
 Francisci der P. Joannes Fernandez auff
 freyer Gassen prediget / gehet ein Japoniser
 fürvber/ vnd weil er sahe/ wie dise von jeder-
 mann verspottet wurden / tringt er durchs
 Volck vnd spenet seinen Geiffer dem Predi-
 ger ins Angesicht / welches bey allen noch
 grössers Gelächter erhebt. Joannes aber/
 so wol von Francisco vnderwisen / laßt sich
 dise Schmach vnd Buehr nichts irren /
 vnd